



ქალაქ ფოთის მუნიციპალიტეტის საკრებულო

განკარგულება № 3/12

2021 წლის 25 ოქტომბერი

ქალაქი ფოთი

ქალაქ ფოთის მუნიციპალიტეტის საკუთრებაში არსებული 1 (ერთი) ერთეული ხის გადასატანი კონსტრუქციის ნაგებობის (კოტეჯი - ჯარგვალი) სახელმწიფოსთვის საკუთრებაში უსასყიდლოდ გადაცემის შესახებ

ქალაქ ფოთის მუნიციპალიტეტის მერიას, 2021 წლის 29 იანვრის, №5/3419 წერილით მიმართა სსიპ სახელმწიფო ქონების ეროვნული სააგენტოს თავმჯდომარემ, თანდართული ზუგდიდის მუნიციპალიტეტის მერიის, 2021 წლის 21 იანვრის, № 24-2421021210 წერილით, რომელშიც დასმულია სავითხი ქალაქ ფოთის მუნიციპალიტეტის საკუთრებაში არსებული 1 (ერთი) ერთეული ხის გადასატანი კონსტრუქციის ნაგებობის (კოტეჯი - ჯარგვალი) სახელმწიფოსთვის საკუთრებაში უსასყიდლოდ გადაცემის შესახებ, შემდგომში მისი ზუგდიდის მუნიციპალიტეტისათვის საკუთრებაში გადაცემის მიზნით.

„ადგილობრივი თვითმმართველობის კოდექსის“ საქართველოს ორგანული კანონის 108-ე მუხლის პირველი პუნქტის თანახმად, მუნიციპალიტეტის საკუთრებაში არსებული ქონება, მათ შორის, არასასოფლო-სამეურნეო დანიშნულების მიწის ნაკვეთი, სასოფლო-სამეურნეო დანიშნულების მიწის ნაკვეთი (შენობა-ნაგებობებით ან მათ გარეშე), აგრეთვე წილები/აციები (გარდა მუნიციპალიტეტის საკუთარი უფლებამოსილების განხორციელებისათვის საჭირო ძირითადი (განუსხვისებელი) ქონებისა) სახელმწიფოს საკუთრებაში უსასყიდლოდ გადაცემა „სახელმწიფო ქონების შესახებ“ საქართველოს კანონით განსაზღვრული ქონების მმართველის დასაბუთებული მიმართვის საფუძველზე, ავტონომიურ რესპუბლიკას – ავტონომიური რესპუბლიკის მთავრობის მიმართვის საფუძველზე, მუნიციპალიტეტის საკრებულოს გადაწყვეტილებით, ხოლო თბილისის შემთხვევაში – თბილისის მთავრობის გადაწყვეტილებით. ამავე მუხლის მეორე პუნქტი განმარტავს რომ, ამ მუხლის პირველი პუნქტით გათვალისწინებულ მოთხოვნაზე დასაბუთებულ - დადებით ან უარყოფით გადაწყვეტილებას იღებს მუნიციპალიტეტის საკრებულო, ხოლო თბილისის შემთხვევაში – მთავრობა. შესაბამისი პასუხი წერილობით ეცნობება მოთხოვნის წარმდგენს მისი წარდგენიდან არაუგვიანეს 45 დღისა. თუ უფლებამოსილმა ორგანომ მოთხოვნის წარდგენიდან 45 დღის ვადაში გადაწყვეტილება არ მიიღო, მოთხოვნილი ქონება სახელმწიფოსათვის ან/და ავტონომიური რესპუბლიკისათვის საკუთრებაში გადაცემულ ქონებად ჩაითვლება და სახელმწიფოს ან/და ავტონომიური რესპუბლიკის საკუთრებად რეგისტრირდება.

ზემოაღნიშნულის გათვალისწინებით მიზანშეწონილია განხორციელდეს ქალაქ ფოთის მუნიციპალიტეტის საკუთრებაში არსებული 1 (ერთი) ერთეული ხის გადასატანი კონსტრუქციის ნაგებობის (კოტეჯი - ჯარგვალი) სახელმწიფოსათვის საკუთრებაში უსასყიდლოდ გადაცემა, შემდგომში მისი ზუგდიდის მუნიციპალიტეტისათვის საკუთრებაში გადაცემის მიზნით.

აღნიშნულიდან გამომდინარე:

მუხლი 1.

გადაეცეს, სახელმწიფოს საკუთრებაში უსასყიდლოდ, ქალაქ ფოთის მუნიციპალიტეტის საკუთრებაში 1 (ერთი) ერთეული ხის გადასატანი კონსტრუქციის ნაგებობა (კოტეჯი - ჯარგვალი).

მუხლი 2.

წინამდებარე განკარგულების პირველ მუხლში მითითებული 1 (ერთი) ერთეული ხის გადასატანი კონსტრუქციის ნაგებობის (კოტეჯი - ჯარგვალი) სახელმწიფო საკუთრებაში გადაცემასთან დაკავშირებით, ა(ა)იპ „ქალაქ ფოთის მუნიციპალიტეტის სპორტისა და ტურიზმის ცენტრმა“ (ს/კ 415106414) განახორციელოს მოქმედი კანონმდებლობით გათვალისწინებული ღონისძიებები.

მუხლი 3.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

საქართველოს ზოგადი ადმინისტრაციული კოდექსის 54-ე მუხლის პირველი ნაწილის შესაბამისად, განკარგულება ძალაშია კანონით დადგენილი წესით მხარისათვის გაცნობისთანავე.

საკრებულოს თავმჯდომარე

ბეჭა ვაჟარაძე

